



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apologia|| Pro Reverendis. Et Illvstris.|| Principibus
Catholicis, ac alijs ordinibus Impe-||rij aduersus mucores
& calumnias Buce-||ri, super actis Comiciorum||
Ratisponæ.||**

Eck, Johannes

Coloniae, 1542

VD16 E 262

Epistola Eckij ad illustres dominos à Granuella & Prata.

urn:nbn:de:hbz:466:1-33616

ILLVSTRIBVS

ET EXCELLENTISSIMIS DOMINIS D.

Nicolao Pernoti à Granuella, magistro Scrinij, libe-
lorum sacrarumq; constitutionum ac Imperia-
lis sigilli custodi, Et D, Ludouico, Dño Prati
supremo Imperiali Cubiculario, Patro-
nis suis pientissimis obsequia
offert paratissima.



E DIDIT Bucerus Procere illustres acta Co-
miciorum Ratisponeñ, sublesta fide : & in his
egregie aliquãdo adulatur, vbiq; autem simus
lat religionem & pietatem, quam nunq̃ præ-
stat, neque præstare intendit, sed omnia quæ

Christianismi sunt temerare præsumit. At diuus Paulus ^{1. Cor. 11}
nos ab hac impia simulatione præmonuit, dum Corinthi-
is scriberet. Ipse enim sathanas transfiguratur se in angelum
lucis, non est ergo magnum, si ministri eius transfigurentur,
velut ministri iustitiæ, quorum finis erit super opera
eorum. Nam eiusmodi pseudoapostoli sunt operarij sub-
doli transfigurantes se in apostolos Christi: qualis præ cæ-
teris est Bucerus, patriarchas suos imitans, Arrium, Euty-
cen, Pickardum, Hussum & similia mōstra, nam in ipsa pri-
mitiua ecclesia martyrum huiusmodi simulatione fallebāt
simplices: vt docte Cyprianus monuit prælatos loquēs de
diabolo & filijs eius hæreticis, Qui secundum apostoli vo-
cem transfiguratur se velut angelum lucis, & ministros su-
os subornat, velut ministros iustitiæ, asserentes noctē pro
die, interitum pro salute, desperationem sub obtentu spei,
perfidiam sub prætextu fidei, Antichristum sub vocabulo
Christi: vt dum verisimilia mentiuntur, veritatem subtili-
o iij tate

Cyprianus
de simplici-
tate præ-
latorum.

Bern. su-
per Cant.

Matth. 7

Li. 3. mo-
ralium.

tate frustrentur, cum pluribus alijs quæ sequuntur de pri-
matu S. Petri & vnitae Ecclesiæ. Quæ sancti Martyris ver-
ba, si quis conferat cum epistola Buceri ad T. Illustrẽ do-
minationem Ludouice, mox agnoscat eum suis coloribus
depictum. Et accurate hunc dolum hereticorum Bernar-
dus expressit. Hi sunt, inquit, qui veniunt in vestimentis
ouium, ad nudandas oues, ad spoliandos arietes, intus au-
tem sunt lupi rapaces, hi sunt oues habitu, vulpes astu, ac-
tu & crudelitate lupi. Mali sunt, & videri boni volũt ma-
li videri timent, ne parum sint mali. Etenim minus semper
malitia palam nocuit: nec vnquam bonus, nisi boni simu-
latione deceptus fuit, neq; enim est apud eos virtutes col-
lere, sed vitia colorare, quasi quodam virtutum Minio. Re-
cte monuit B. Gregorius peculiare esse hæreticis, vt simu-
lata humilitate fideles decipiant. At ne incauti catholici
fucis verborum & simulatione impia seducantur, detraxi
lupo rapacissimo ouium vestem, & asino Cumano pellem
leoninam, vt aduertenti non facile imponat, vtcunq; iacti-
tet regnum Christi, instaurationem ecclesiæ, sacramento-
rum puritatem, ministrorum ecclesiæ pietatem, antiquum
est prouerbiũ, plures Thyrsiferos, paucos est cernere Bach-
chos. Simulat pietatem, vt serat impiam suam doctrinam
& sacrilegam, at adeo in sole posui eius dolos & fallacias,
vt catholicus quisq; illas vitare valeat, & ei insultare, & di-
cere sicut Septitiano. Decipies alios verbis vultuque beni-
gno: nam mihi iam notus dissimulator eris.

Cum vero vos Illustrẽs domini, diuo Imp. nostro Ca-
rolo V. à deo coronato, in hoc sacro fidei negotio confis-
lijs vestris assistitis, & peruigili diligentia impense labora-
ueritis, si in religione & fide pax & concordia statui potu-
isset in Germania, si aduersarij non pertinacius in semel cõ-
ceptis erroribus obriguissent: quapropter & vestris excelsis
lentissimis dominationibus volui nostras agologias & an-
notatios

notationes communicare, vt certius valeatis Nestoreo vestro officio apud gloriosissimum Cæsarem satisfacere, & ipse vestigia pñssimorum Imperatorum sequens, Constantini magni, Valentiniiani, Gratiani, Theodosij maioris, Theodosij iunioris, Marciani, Iustini, Iustiniani, Caroli magni & aliorum Imperatorum & Regum Catholicorū fidei integritatem conseruet, ecclesiam defendat, & extirpatis ac extinctis hæresibus veram religionem triumphas re faciat. Ego me Illustribus dominationibus vestris catholicis commendo. Valet Ingolstadij 18. Decembris Anno salutis sesquimillesimo 41.

Illustrium D. V.

deditissimus

Io. Eckius

SOLI DEO GLORIA.

Cur reformatio Bucerana indigna sit, qua repudiando bonas horas male locemus, non semel superius in libro as signauimus, exclamaret contra eum Menedemus Terentianus: Diu vestram fidem, ita comparatā esse hominum naturam omnium, aliena vt melius videant & iudicent, quā sua. At valeat Suffenus, qui non videt mātīcā, quod in tergo est.

Ingolstadij VIII. Decemb. XXX. scilicet die postquam incepta est apologia pro Catholicis principibus.

Paulo III. Pontifice & Carolo V. Imp. Pio Felice Augusto, orbi Christiano præsidentibus. 1541.

FINIS.

024